

Акафист преподобным Спиридону и Никодиму, просфорникам Печерским

Кондак 1

Избранная двоице печерских просфорников, восхваляем вас любовью, преподобнии Спиридоне и Никодиме. Вы, от младенства Христа Бога всем сердцем возлюбивши, и даже до скончания жития Тому поработавши, в непрестанном псалмопении и святого хлеба приготвлении просиявши, ныне же в веселии у Престола Святыя Троицы предстоящи, молитесь о всех усердно вас призывающих и благодарными усты умильно воспевающих: Радуйтесь, Спиридоне и Никодиме, смиреннии просфорницы печерстии.

Икос 1

Ангельской чистоте поревновавши, презрете суету мира сего со всею скоропреходящею его красотю, ангельскому образу приобщилися есте, и доброта вашего благонравия явися людем, яко град, не могый укрытися, верху горы стояй. Мы же, чудящися таковому о вас смотрению Божиему, вопием вам сицевая:

Радуйтесь, вземшии крест свой и за Христом последовавшии;
радуйтесь, во всеоружие Божие противу козней диавольских облещиися.

Радуйтесь, попечение о плоти в похоти не творившии;
радуйтесь, не ясты, но благодатию сердца укреплявшии.

Радуйтесь, утружденнии и обремененнии в жизни привременней;
радуйтесь, вся содевавшии без ропота и сомнения.

Радуйтесь, нуждею восхитившии Царствие Небесное;

радуйтесь, собраннии в житницу Господню, яко пшеница чистая.

Радуйтесь, Спиридоне и Никодиме, смиреннии просфорницы печерстии.

Кондак 2

Узревше воистину, яко дружба с миром вражда против Бога есть, возгорестесь духом о подвизех иноческих и приидете в монастырь Печерский. Уведевше же благоговейство иноков, тамо пребывающих, возжелесте имети равную часть с ними, аще и в мире пожисте до седин и в возраст старости приидете. Егда же прияты бысте, яко наемницы часа единадцятаго, воспесте Господеву с братиею: Аллилуиа.

Икос 2

Разумнии и премудрии в богословии иноцы узреша вы люди прости и не книжны, и познаша, яко воистину Господь бужа мира сего избра, да премудрыя посрамит. Ибо простецы, в нихже лести несть, восприемлют честь сицевую:

Радуйтесь, смиренномудрием, яко ризою, облещиися;
радуйтесь, путь узкий в житий вашем избравшии.

Радуйтесь, Бога возлюбившии и Тому усердно поработавшии;
радуйтесь, Евангелие свято соблюдшии.

Радуйтесь, тяжкия труды во смирении сердец несшии;
радуйтесь, хлебы приносныя благоговейно испекавшии.

Радуйтесь, тяготу и вар на закате лет своих понесшии;
радуйтесь, свет благочестия миру возсиявшии.

Радуйтесь, Спиридоне и Никодиме, смиреннии просфорницы печерстии.

Кондак 3

Силы учения книжного и кормила грамоты в мори житейского плаваня не восприяте, обаче, егда внидете в пристань надежды в монастыри киевском, анкирою богодухновенных псалмов крепко утвердитесь, и всю псалтирь Давидову изусть стихословите. Радующеся тишине мудрости истинныя, присно воспевайте со пророком: Аллилуиа.

Икос 3

Имуще в сердцах ваших страх Божий, безпрестанно поучаетеся во псалмах и пении и песнях духовных. Творец же всяческих исполнит вас Духа премудрости и разума, Духа совета и крепости, Духа ведения и благочестия. Сего ради ублажаем вас сие:

Радуйтесь, блажении, совету нечестивых непричастнии;
радуйтесь, на путь грешных не ставшии.

Радуйтесь, на сядалищи губителей не севшии;
радуйтесь, в заповедех Господних волею укрепившиися.

Радуйтесь, день и ночь в законе Его поучавшиися;
радуйтесь, яко древета при водах в вере укоренившиися.

Радуйтесь, во время свое плод благоприятный принесяши;
радуйтесь, во всяком деле блаже преуспевшии.

Радуйтесь, Спиридоне и Никодиме, смиреннии просфорницы печерстии.

Кондак 4

Бурею помышлений добронадежных о вас вдохновляем, игумен братии, преподобный Пимен Постник, провидев в тебе, Спиридоне, мужа смиренна и трудолюбива, в тебе же, Никодиме, мужа непорочна и богоприятна, определил вам послушание просфорное, сам же возблагодарил Христа Хлеба Истинного, даровавшего обители боголюбцев сицевых, воспевая Ему: Аллилуиа.

Икос 4

Слышавше такую о себе волю игумена, прийте ю, яко благословение от Самого Господа, и исполните со всяким благоговением и усердием. К телесным же трудом и духовным прилагаете: пост желанный и молитву непрестанную. Мы же, дивящиеся таким подвигом вашим о Господе, почитаем вы словесы сицевыми:

Радуйтесь, яко вера Христова вселится в сердца ваша;

радуйтесь, яко внидете в радость Господа своего.

Радуйтесь, яко ныне святы есте святостию Христовою;

радуйтесь, яко любви ваша ко Господу изгна всяческий страх.

Радуйтесь, ближним во благое к назиданию угодившии;

радуйтесь, в братолюбии вашем, яко во свете, пребывшии.

Радуйтесь, не о плотском, но о духовном помышлявшии;

радуйтесь, доброю совестью изрядно преукрашении.

Радуйтесь, Спиридоне и Никодиме, смиреннии просфорницы печерстии.

Кондак 5

Богу возносимый плод послушания вашего, святыи хлеб, во время святого приношения в Пречистое Тело Христова прелажася. На сие чудо ангели недоуменно взирают, како Бог непостижимый предаёт нетленную Плоть Свою в снесь людем тленным. Священницы же, приносяще Безкровную Жертву, Богу вопиют: Аллилуиа.

Икос 5

Видяще братия, коликия благодати сподобляются не токмо приобщающися Небесней Трапезе, но и хлебы приносныя уготовляющии с кротостию и славословием божественным, паче прилагаву труды к молитвам и благодарение к послушанию. Мы же, учащиеся такому благоразумию, воспеваем вам сие:

Радуйтесь, отринувшии рабство греху ради царства благодати;

радуйтесь, нищету духовную богато стяжавшии.

Радуйтесь, плачем о гресех утешение приявшии;

радуйтесь, кротостию землю обетованную в наследие улучившии.

Ра́дуйтесь, а́лчбою и жа́ждею пра́вды насыще́ние благода́тное прие́мшии;

ра́дуйтесь, ми́лости ра́ди ва́шей от Го́спода поми́лованнии.

Ра́дуйтесь, в чистоте́ серде́чной Го́спода созерца́вшии;

ра́дуйтесь и весели́тесь, я́ко мзда ва́ша мно́га на Небесе́х.

Ра́дуйтесь, Спиридо́не и Нико́диге, смире́ннии просфо́рницы пече́рстии.

Кондак 6

Пропо́ведь ва́ша не во препре́тельных словесе́х челове́ския му́дрости яви́ся лю́дем, преподо́бнии, но вои́стину в явлéнии ду́ха и си́лы, я́коже и рече́ Па́вел апо́стол. Таковóму наставле́нию ва́шему внима́юще, Го́сподеви прино́сим песнь: Аллилу́иа.

Икос 6

Возсия́те све́том пра́вды, му́ченицы безкро́внии, егда́ ве́ру ва́шу дела́ми ва́шими оправда́те. Ели́ко рука́ми трудíteся, дрова́ рубíte, во́ду носíte или́ те́сто месíte, толи́ко па́че уста́ и умы́ ва́ша в непреста́нном славосло́вии пребы́ваху. Прославля́юще таковóе ва́ше пресла́вное о Христе́ де́лание, хва́лим вас си́це:

Ра́дуйтесь, трудолюбивии́ жате́ли на ни́ве Госпо́дней;

ра́дуйтесь, поощря́ющии нас к любви́ и добродела́нию.

Ра́дуйтесь, в моли́тве постоя́нство имевшии;

ра́дуйтесь, вся содева́вшии во сла́ву Бо́жию.

Ра́дуйтесь, вся творившии я́ко ча́да све́та;

ра́дуйтесь, преуспе́вшии в угожде́нии Бо́гу.

Ра́дуйтесь, я́ко ра́дость ва́ша ны́не соверше́нна;

ра́дуйтесь, сотаинницы́ и соприча́стницы́ Христу́.

Ра́дуйтесь, Спиридо́не и Нико́диге, смире́ннии просфо́рницы пече́рстии.

Кондак 7

Хотя́ явити́ вас бра́тии чудотворцев изрядных, попусти́ Госпо́дь в день обы́чных трудов ва́ших внеза́пу огню́ пе́щному возгорéтися, я́ко и просфо́рне ва́шей пла́менем объ́той бы́ти. Вы же не устращíteся, о́баче, моли́твою воору́жившеся и добродете́лию препоя́савшеся, о́гненую си́лу угасíte и с благодарностию воспéте Бо́гу: Аллилу́иа.

Икос 7

Но́вых прозré вас избра́нников Свои́х Госпо́дь, услы́шав моли́тву ва́шу, вразуми́ бо ма́нтиею заградíti жéрло пе́щи огнеды́шация и

вложи́ в се́рдце, связа́в концы́ влася́нницы, к студенцу́ тещи́ вбо́рзе и во́ду принести́, да угаси́те е́ю запале́ние о́гненное. Таково́е вразумле́ние от Бо́га прославля́юще, вам вопи́ем, преподо́бнии:

Ра́дуйтесь, искуше́нию противоста́вшии твёрдостью́ ве́ры ва́шей;
ра́дуйтесь, смире́ние мытаре́во в душа́х ва́ших содержа́щи.
Ра́дуйтесь, Ду́ха Бо́жия в себе́ не угаша́вшии;
ра́дуйтесь, всыновле́ние Бо́гу наде́ждою стяжа́вшии.
Ра́дуйтесь, сотвори́вшии досто́йныя плоды́ покая́ния;
ра́дуйтесь, попече́ние друг о дру́зе имев́шии непреста́нное.
Ра́дуйтесь, любо́вию обрётшии изволе́ний то́ждество;
ра́дуйтесь, прославля́вшия Триеди́нство Божества́.
Ра́дуйтесь, Спиридо́не и Никоди́ме, смире́ннии просфо́рницы
пече́рстии.

Кондак 8

Стра́нное чу́до во мра́це ды́мном уви́деша помо́щницы ва́ши от числа́ бра́тии, вку́пе со́браннии, яко ма́нтия, е́юже прегради́сте же́рло пе́щное, ника́коже сгара́ше, но пла́мени вы́ход заградí, влася́ница же во́ду николи́же попусти́, те́мже покрóв ке́лии угаси́сте лёгце. Ви́дяще таково́е чудесное явле́ние и ми́лостивное о вас смотре́ние Бо́жие, со изумле́нием воспéша Го́сподеви: Аллилу́иа.

Икос 8

Весь наро́д израи́льский, ви́дя некогда́ столп о́блачный, стоя́щий у входа́ в ски́нию, покланя́шеся Бо́гу, глаго́лавшему с Моисее́м, та́ко и бра́тия монасты́рская прославля́ше Го́спода, яви́вшаго в столпе́ ды́мнем уго́дников Свои́х пла́менных. Угаше́ния страсте́й от них чаю́ще, возглаго́лем си́це:

Ра́дуйтесь, в ми́ре с бра́тией и друг с дру́гом пожив́шии;
ра́дуйтесь, дружелю́бия и милосе́рдия преиспо́лненнии.
Ра́дуйтесь, тяготу́ послуша́ния прие́мшии ра́ди Го́спода;
ра́дуйтесь, за́поведи Бо́жии соблю́дшии безпоро́чно.
Ра́дуйтесь, о дарéх духо́вных возревновáвшии;
ра́дуйтесь, благода́ть Свята́го Ду́ха стяжа́вшии.
Ра́дуйтесь, ду́хом пламене́ющии непреста́нно;
ра́дуйтесь, яви́вшии нам о́браз подража́ния.
Ра́дуйтесь, Спиридо́не и Никоди́ме, смире́ннии просфо́рницы
пече́рстии.

Кондак 9

Всякий день и всякую ночь диавол воздвизаше козни противу вас, отцы богоноснии, вы же, преисполненнии помышления твердаго, яко Господь вам прибежище и крепкая защита, мужественно разористе умышления вражеская непрестанным пением: Аллилуиа.

Икос 9

Ветии многовещании не возмогут изрещи ревность служения вашего, по Бозе совершаемаго, сего ради в Царствии Своем глаголет вам Господь: ныне упокоевается глас ваш от рыдания и очи ваши от слез, насладитесь плодами трудов ваших. Мы же воздаем вам пение сицевое:

Радуйтесь, не искавшии славы человеческия, но токмо Божия;
радуйтесь, образ здраваго учения присно содержавшии.

Радуйтесь, правды ради от мира отрехшиися;
радуйтесь, мир имевшии со всеми людьми.

Радуйтесь, в любви непрестанней друг ко другу пребывавшии;
радуйтесь, кротостию подвиги ваши ограждавшии.

Радуйтесь, яко в сердца ваша вселися Дух Божий;
радуйтесь, Христовы блазии соработницы.

Радуйтесь, Спиридоне и Никодиме, смиреннии просфорницы печерстии.

Кондак 10

Спасти хотяще души своя и исполнивше вся повеленная вам, не превозношастеся умом, но помышляете себе рабы неключимы быти. В сем добром исповедании преставилися есте ко Господу, святии, и ныне не в таинственном образе хлеба приношения, но лицом к Лицу зряще Истинный Хлеб жизни, Христа Жизнодавца, хвалечно воспеваете Ему: Аллилуиа.

Икос 10

Стены Иерихонския падоша от трубнаго гласа по смотрению Божию, тако и стены искушений диавольских, преграждающих путь в Небесное Царствие, разрушася от гласа молитвенных воздыханий ваших, преподобнии. Сего ради прослави вас Бог в лице всех святых отцев печерских и по смерти вашей яви миру нетленные ваша мощи, имиже ныне почиваете в пещерах Антониевых, и всем притекающим к вам с верою источаете токи благодатных помощи вашей. Ныне же приимите хвалebные похвалы сия:

Радуйтесь, Бога Отца едиными усты славившии;
радуйтесь, злословие от диавола претерпевшии.

Ра́дуйтеся, при́емшии д́уха усыновле́ния;
ра́дуйтеся, увеща́вшии друг дру́га в д́усе крото́сти.
Ра́дуйтеся, совле́кшиися челове́ка ве́тхаго;
ра́дуйтеся, в новаго ра́достно обле́кшиися.
Ра́дуйтеся, спасе́ние уллучи́вшии, призыва́юще и́мя Го́спода;
ра́дуйтеся, раба́и и́стиннии Бо́га Вы́шняго.
Ра́дуйтеся, Спиридо́не и Нико́дима, смире́ннии просфо́рницы
пече́рстии.

Кондак 11

Пропове́дница веры твоя является нам честна́я десни́ца твоя́,
Спиридо́не богоприятне, ёюже ча́д церко́вных поуча́еши изобра́жати
на себе́ Крест святы́й во всякое вре́мя. Си́це бо, осенив себе́ крестным
зна́мением, отше́л еси́ ко Христу́, Емуже́, предсто́я, моли́ся, да да́рует
нам и́стинное усер́дие славосло́вити Его́: Аллилу́иа.

Икос 11

Свети́льник нога́м и свет стезя́м ва́шим во вре́мя земна́го
странствовани́я всегда́ бе Сло́во Бо́жие, те́мже внидо́сте в черто́г
Небе́сный. Моли́теся за ны, да не оскуде́ет елей ве́дения и ми́лости во
свети́льницах на́ших, но да сря́щем Жени́ха всевожде́ннаго.
Упова́юще на по́мощь ва́шу, мо́лимся:

Ра́дуйтеся, подража́тели дре́вних отце́в;
ра́дуйтеся, сохра́нившии еди́нство в сою́зе ми́ра.
Ра́дуйтеся, в д́усе и мы́слех соедине́ннии;
ра́дуйтеся, просла́вившии Го́спода в телесе́х и душа́х ва́ших.
Ра́дуйтеся, воздева́вшии ру́ки чи́стыя без гне́ва и сомне́ния;
ра́дуйтеся, непреста́нно принося́щии Бо́гу же́ртвы хвалы́.
Ра́дуйтеся, очи́стившии сердца́ ва́ша от лука́выя со́вести;
ра́дуйтеся, возлежа́щии на бра́чном пи́ре Жени́ха.
Ра́дуйтеся, Спиридо́не и Нико́дима, смире́ннии просфо́рницы
пече́рстии.

Кондак 12

Благода́ть Бо́жия яви́ нам вели́кое приобре́тение, преподо́бных
Спиридо́на и Нико́дима, просфо́рников сла́вных. Воскли́кнем же,
благодаря́ще всегда́ за вся Бо́га и Отца́, победную́ песнь: Аллилу́иа.

Икос 12

Пою́ще ва́ше, преподо́бнии, от всех просла́вление, ко Пресвяте́й
Тро́ице возвыша́ем немо́щный глас хвале́ния и на дерзнове́ние ва́ше

упова́ем, да испо́лнит Бог вся благáя проше́ния воспева́ющих вам сицевáя:

Ра́дуйтесь, согра́ждане святы́м и и́скрении Бо́гу;
ра́дуйтесь, насле́довавшии обетова́ние терпе́нием и ве́рою.

Ра́дуйтесь, иска́вшии не сво́их си, но по́льзы бли́жняго;
ра́дуйтесь, си́льнии, носившии не́мощи бесси́льных.

Ра́дуйтесь, Ца́рствие Небе́сное обрётшии;
ра́дуйтесь, вене́ц нетле́нный получи́вшии.

Ра́дуйтесь, зло победи́вшии добро́м бесстра́шно;
ра́дуйтесь, я́ко Госпо́дь преиспо́лни вас любóвию.

Ра́дуйтесь, Спиридо́не и Никоди́ме, смире́ннии просфо́рницы пече́рстии.

Кондак 13

О, предивнии и сла́внии уго́дницы Бо́жии, преподо́бнии и богоно́снии отцы́ на́ши Спиридо́не и Никоди́ме! Приими́те от нас сие ма́лое моле́ние, в похвалу́ вам приноси́мое. Благоприятным ва́шим ходата́йством испроси́те нам у Го́спода Сил небла́знену жити́ю на́шему бы́ти, от ра́спрей и раздо́ров сохра́няться, в единомы́слии и единове́рии соблюда́тися, в исполне́нии Христо́вых за́поведей да́же до сконча́ния жи́зни пребыва́ти, да кúпно с ва́ми воспоём Триеди́ному Бо́гу: Аллилу́иа.

Молитва

О преподо́бнии и богоно́снии отцы́ на́ши Спиридо́не и Никоди́ме! В непреста́ннем псалмопе́нии и трудéх просфо́рных во оби́тели пече́рстей подви́завшиися, Бо́гу угоди́ли есте́. Ве́мы вас я́ко ско́рых помо́щников и засту́пников пред Престо́лом Святы́я Трои́цы, ве́лие дерзнове́ние стяжа́вших моли́тися о всех, ва́шу па́мять благоговейно́ чту́щих. Се мы, недосто́йнии и многогрешнии, взыва́ем к вам и про́сим усер́дно: помози́те нам, отцы́ святы́и, бу́рное мо́ре жити́я сего́ безмяте́жно преи́ти и пристáнища спаси́тельногого небла́зненно дости́гнути. Умоли́те Великодарови́таго Бо́га страну́ на́шу в ми́ре соблюсти́, лю́ди же ея́ в ве́ре правосла́вней укрепи́ти, неве́рие же и язы́чество богоху́льное отню́д искорени́ти. Испроси́те у Го́спода Сил земли́ нашей плодонóсие, лю́дем Свои́м от гла́да, губи́тельства, тру́са, пото́па, огня́, мечá, нашества́ иноплеме́нных, междоусóбныя бра́ни и вся́ких враго́в ви́димых и неви́димых избавле́ние, и да не поги́бнем со беззакóнии на́шими. Моли́тесь же за призыва́ющих вас усер́дно в болéзнях, напáстех, печалех, трудéх, путешество́вних, у́зах, ско́рбех и во вся́ком

нестро́ении житѣйстем. Научіте нас, преподобнии, сохраняти друг со дру́гом мир и любóвь нелице́мерную. В послѣдний же час житія́ нашего да не оставите нас без по́мощи ва́шея и предстáтельства пред Гóсподем Христóм. Молітвами ва́шими и заступничеством да пода́ст нам Судия́ всяческих стра́шный путь мытарств воздушных прейти́ и непреткновѣнно внѣти во всевожде́нное Отѣчество Небѣсное, иде́же вку́пе с ва́ми досто́йно воспѣти и просла́вити в Трѳице Еді́наго Бóга, Отца́, и Сы́на и Свята́го Дúха во вѣки веко́в. Амѣнь.